

T5236.05/4462

203

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

東坡先生集卷第九百九十一

祭文十四

親族一

為高力士祭父文一首

祭先文一首

祭叔父文二首

祭姑文一首

祭舅文一首

為王司馬祭妻父文一首

祭外舅舅用李使君文一首

祭外舅舅用徒文一首

祭外姑文一首

為高力士祭父文

張說

維開元十七年八月日孝子力士敢告于考潘州府軍節度

海人若之靈小子不天厥幽凶閔身嬰冠別家值窮黎

賦掃酒之餘哀家貧食之賴扶藪明聖通長報維六回

文苑英華卷第九百九十一

祭文十四

親族一

為高力士祭父文一首

祭二先文一首

祭叔父文二首

祭姑文一首

祭舅文一首

為王司馬祭妻父文一首

祭外舅房州李使君文一首

重祭外舅司徒文一首

祭外姑文一首

為高力士祭父文

張說

維開元十七年月日孝子力士敢告于考潘州府軍妣南海太君之靈小子不天夙齡凶閔身嬰冠剽家值虜裂幸供掃洒之餘遂蒙侍從之顧扶戴明聖逼畏艱難大固不

哈爾濱大學
圖書館
珍藏
印

敢不密小亦不敢不誠事必記心言無漏口日慎一日將
二十年玉弁加首金章在佩先靈納祐明神降鑒阿母遠
至於京華妹兄自拔于泥滓咸以官漸榮祿姻通士林慈
顏復慶集作願復於目前同氣展歡於膝下又緣幼育高氏變
族移家敬愛盡於二堂溫清周於一紀不圖無狀招禍未
見狐棄聖主恩華曲逮存沒邑封舊郡官贈本邦親感集作
恩君澤子承父意致命報天誓有同於皦日竭忠資孝志
無忝於幽泉敬惟靈懷慰聞昭遂先遠有日卜兆新塋遙
啓尊魂合祔良壤哀迫祖載攀戀頃史謹以清酌少牢恭
陳遣奠盈罇不舉虛饌莫嘗號天叩地殞絕何仰

祭二先文

閩本作追贈祭文

張九齡

維開元二十二年歲次乙亥孤子九齡謹遣第某等謹
清酌脯醢集作醢脯庶羞之奠敢昭告于先考先妣之靈九齡
積罪昊天天實降罰嚴廢永遠集作慈顏重違欲報劬勞
終天何及某夙承教誨幸有所成集作幸而有成忝集作崇國寵靈
猥當大任聖上義存延賞追贈所天集作及朝恩優渥跪承
摧感伏惟昭亮享慈集作慈是殊錫今謹具贈太常卿廣州都
督告身并桂陽郡大夫人告身及玉帶金章紫衣各一副
伏惟尚饗

祭處士房叔父文

李商隱

某爰在童蒙最承教誘違訣雖久音旨長存近者以壇山
舊塋忽罹風水壽堂圯壞宰樹凋傾雖崩則不脩聞諸前

哲集作聖

且墮而罔治那俟他人况真隱昭

集作貽

芳鴻儒著

美豈可令趙岐之表墊彼玄扃郭泰之碑淪於夜壑載惟

城瑱貌爾孤冲誠叫號之不停顧管辨之無素其等輒考

諸著筮别卜丘封使羲叟以今日吉時奉移神寢者無僭

縟儉免虧疎是期永闕尊靈長安幽窆眠牛有慶自及於

諸狐白馬垂祥豈祈

集作均

於猶子追懷莫及感切徒深文

思平昔之時兼預生徒之列陸公賜杖念榮益以何成殷

氏著文媿獻酬而早屈引進之恩方極禍凶之感俄鍾誰

言一記之餘又奉再遷之兆哀深永徃情極初聞矧宗緒

衰微簪纓殆歇五服之內一身有官將使澤底名家翻同

單系山東舊族不及寒門靜思肯構之文敢念成書之託

鐵等既幽明無累年志漸成則當授以詩書諭其婚宦使

丞嘗有奉名教無虧靈其鑒此微誠助夫至願敢有求於

必大庶免歎於忽諸迫其哀憂薰之察恙曾非遐遠不獲

躬親瀝血裁詞叩心寫懇長風破浪敢忘昔日之規南巷

齊名永絕今生之望冀因薄奠少降明輝延慕酸傷不能

堪處苦痛至深永痛至深

為鄭從事妻李氏祭從父文

前人

有美吾門實系公族絳霄結蔭皇極流輝自嚴君以交辟

延榮仲父以立朝衍慶叔父雖禮疎五服而義叶一家馬

援於兒姪之間一情無異王華在弟兄之列數從猶親吉

人寡辭君子無諍屬者以獻賦不遇投筆從戎鏡水稽山

聊屈觀書之望甬東淞右始開傳集作侍 劍之名經塗幾千

去國數歲爰因職貢來奉闕庭傳車方馳朝露溢至禍生

朽索釁起揚鞭始驚香而不禁俄折臂而無望嗚呼存亡

恒集作定 理壽天常期所悲者方次中途所痛者非因美疾

稅鞍告痛肩輦數晨既鍼艾之莫徵果含穉而斯及况乎

合室遠在海涯一女方羈二子未卅人生甚痛天道奚言

今以國家集作家國 載遙干戈未息尚稽歸衽乃議從權定鼎

城東永通門外南瞻嵩嶺北望祁山式崇寓殯之封且作

藏神之室必也慶延異日時屬通年光温序之恩歸俟臧

孫之有後二十一姪女早蒙慈撫久歎違離今又從夫山

東食貧洛水將療無及驚悲有加敢因祭酌集作酒醑 之馨聊

贊積靈之降嗚呼叔父永監草誠

祭韓氏老姑文

故易方定韓尚書夫人

前人

猗歟我家世奉玄德讓弟受封勤王賜國名芳燹鼎勳盈

史冊季孟國高秦管樂集作樂 邈恭惟柔範載稟淵塞既作

女師乃為嬪則頴水波清梁園月明言從百兩且拜雙旌

計集作託 俟令弟配國名卿人從述職出輔專征螽斯不妬

鳳凰和鳴此時同慶東都集作群 分榮使者責梁公子專魏

帝念元昆人思仲氏杖節赴敵斬芻盡瘁無以家為或從

王事禮優內子詩美夫人冕紘珥紕山巖澗蘋子元罕見

冀缺如賓綠衣有感程第仍新遽歎夜川遄聞晝哭原所

舊署孟隣斯卜閑居獻壽作賦之官弓裘望襲菽水承歡

福善餘基好謙舊社復自良人集于之子爰從上蔡去臨
易水空報登壇未聞曳履晁父先歸莫之能比趙母上言
蓋不得已寒暄結恙燥濕為疵徒虛百祿靡效三豎嗚呼
壽夭所賦彭殤不移誰能了悟孰不憂悲何茲達識乃克
先知同易簣以就正如買棺而指期苟有所累安能及斯
道遠輾轉程遙河洛建兆臨塗移舟就壑日慘林嶺風淒
灌薄積霽茫茫行煙漠漠某等誠深通舊情恊先親始自
童子至于成人年將二紀恩冠六姻念升堂之如昨慟幽
夜之無晨歌停行路春輟比隣雖寓辭之有所終含酸而
萬伸壺清媿酌集作酌俎薄羞芹唯餘彤管有美清塵嗚呼
哀哉

為李郎中祭舅嘗端州文

前人

始虞命

集作燕

夏暴于玄穹功垂刊木德叶堙洪洎帝相之

難作誕少康於竇中由屯獲吉因生受封降及後代傳勳

繼庸西京則嬰為外戚東漢則融居上公愍陽城之不享

始移籍於扶風源遠更清基高自

集作是

峻有焯明靈藹然

休問陋巷不憂坦途方進月遠標儀霞高映論玉寧韞匱

錐要處囊宜伸尚屈將集猶翔潛師大易謙尊以光誓安

老氏債少易償爰紆銅墨是宰濠梁宓琴時奏潘樹逾芳

入贊朝儀言揚事舉圭璧蠻夷弁冕文武吐辭含韻知令

博古進揖退揚從規合矩復陶啓位殿省承榮孔門之束

帶無忝漢宮之錦絕難更君子

集有之字

信讒小人

集有之字

道長

未暇閉關佳期後執暫待符竹遠出羅網誰識早飛因成
利往銅梁改秩錦里經時人去而琴臺壞棟文移而石室
摧基劉弘之重銘葛廟王尚之更立巖祠嚙首云歸端溪
遽逐角豈觸藩臂終困木海濶天盡山深霧毒許靖他鄉
有名無祿馬超正色宜歌反哭何為善之無憑而降災之
甚速某欽惟教義夙所依因在昔家世勤王實殷高旌大
旆結駟飛輪慶豈惟於自出榮實垂集作萃於外姻一紀已
來艱凶遄及嗟宅相以無取懼堂構之不集詎言渭水之
乖離竟絕西州之出入嗚呼哀哉違京背闕古陌荒阡松
門積霤隴首停集作行煙祖庭是日乞墅何年淚有血而皆
墮憤無膺而可填况玕剖郡符璟持使節塞遠城迥河窮

躋絕顧後瞻前形孤影孑長號出次重拜臨穴酒濃清醴集作酒醴清濃設羞羅列庶有鑒於斯文冀不同於庶設

為王司馬祭妻父文

張九齡

維年月朔日某乙謹遣集作具少牢清酌之奠敬祭集作于故

某公府君之靈惟公聯華公侯振景天朝昔也時來則地

分茅土今也福過則海變桑田豈唯魑魅之憂方為螻蟻

之患嗚呼哀哉始更榮盛早睦嘉姻謬入郗公之選當荷

戴侯之遇情契闊而彌積義流離而益固公之謫官集作宦

某又犯時永矣去國賁然來思雖窮途之至此幸隣境之

在茲所忌者法豈忘於私聞析聲而密邇畏簡書而間之

然猶風煙可冀翰墨無輟心已運於虛舟跡尚濡於涸轍

驟寒暑之狙謝紛吉凶之迴穴京兆之使忽迫廣陵之音
遽絕嗚呼哀哉平生多感自傷千里之心已矣長辭徒發
九原集作泉之歎計疇昔之光寵痛淪亡於旅窳嘗許恤人
之孤况霜愛子之半謹因遣奠闕本作遺尊酌敢昭集作昭告明靈心
不可倦德以為馨匪羞是薦惟魂是聽遣行人於信宿空
泫日於郊垆嗚呼哀哉尚饗

祭外舅房州李使君文

符載

波澗濬廣根柢深長沃日淮海捎雲豫章氣韻孤高駕鴻
翱翔高行端簡秉心直方在天寶中族大且光一門六姻
鳴玉琅琅作宰藍田政聳民康栖遲半刺亦振芬芬才盛
位卑屈聲昭彰遂登侯牧答時之望兩洩雲蒸虬螭騰

清路方騁羽鱗摧傷嗚呼昔公典郡歸江之淚小子旋蜀
道途舍此扁舟旋泊弱植殘鄙公辱車馬晤言則喜與能
獎善感慨知己意敵周親禮成半子迫切寧覲不遑留止
爰方浹旬遽征千里縈紆岩嶂浩蕩雲水惠愛纏綿簡書
填委食貧多故淹歷周祀遠侍板輿敬符深旨嗚呼哀哉
歲暮胸臆夔州雲安縣之古號積雪皚皚旅館蕭條凶訃亦來望風
一號使人甚哀心腸結塞彌旬不開公嘗好古服膺儒藝
擅美素琴騰芳草隸泊拜靈座清塵四蔽札蠹微銷空知
灑涕嗚呼公用中孚納人于誠人負長者薄塵頌聲道孤
無隣怨抑不平逝景潛晦崇山忽傾孀稚冤號自破徂荆
霜降露濡毒漬中情今則屢恭歸厝先塋靈有安宅道無

符載集卷之六

六

符載集卷之六

六

八

弛程次寥之晨萬象凄清野曠鴻斷天色光明煌煌素車
翩翩銘旌出祖荒逵惋慟交并聞諸格言黍稷非馨意有
所欽生芻豈輕湛彼罇壘其降明靈儻精爽之如在庶哀
詞之是聽

重祭外舅司徒公文

李商隱

嗚呼哀哉人之生也變而往耶人之逝也變之來耶冥寶
之間杳惚之內虛變而有氣氣變而有形形變而有生今
將歸生於形歸形於氣漠然其不識浩然其無歸則雖有
憂喜悲歡而亦忽能措二字集於其間矣苟或以變而之
有變而之無若朝昏之相交若春夏之相易則四時况代
尚動於情豈百生莫追遂可無恨儻或去此亦孰貴於

靈哉嗚呼公之世曹勲華職官楊歷並已託於寄奠備在
前文今所以重具酒牢載形翰墨蓋意有所未盡痛有所
難忘以公之平生之恩曩昔顧盼屬續之夕不得聞啓手
之言祖庭之時不得在執紼之列終哀且痛其可集作道

耶嗚呼七十之年人誰不及三公之位人誰不登何數月
之間不及從心之歲聞天有慟方登論道之司時泰命屯
才長運否為善何益彼蒼難知昔澤恠既明告集作敖釋

桓公之病陰德未報夏侯知邴吉不亡何昔有其傳今無
其證豈人言之不當將天道之或欺雖北海懸定菟期長
沙前覺災至偃如巨室去若歸人處順不憂得正之喜在
公之德斯盛在物之痛何言矧乎再軫慮居屢垂理命簡

子將戰之誓唯止桐棺晏嬰送死之文寧思石槨素車僕

馬踈中弊帷成一代之清規揚百古之休問所謂有始有

卒高明集作令終嗚呼往在涇川始受殊遇綢繆之迹豈

無他人樽空花朝燈盡夜室忘名器集作於貴賤去形跡

於尊卑語皇王致理之文集作考聖哲行藏之旨每有論

次必蒙褒稱及移秩農鄉分憂舊許羈牽少暇陪奉多違

跡踈意通期賒道密紵衣縞帶雅賦或比於僑吳荆釵布

裙高義每符於梁孟今則已矣安可贖乎集作嗚呼哀哉

千里歸途東門故第數尺素帛一爐香煙耿賓從之云歸

儼盤筵而不御小君多恙諸孤善喪昇堂輒啼下馬先哭

倉懷舊極撫事新傷植玉求歸已輕於舊日立集作珠報

東寧盡於茲辰况邢氏甘姨蕭門仲妹愛深猶女思切

兄撫髮締以增摧闔孀閨而永慟草茨土梗旁助酸辛高

鳥深魚遙添怨咽嗚呼精神何往形氣安歸苟才能有所

未伸勲庸有所未極則其強氣宜有異聞玉骨化於終集

鍾山揪栢實於裘氏驚愚駭俗佇有聞焉嗚呼姜氏懷安

之規既聞之矣畢萬名數之慶可稱也哉集作篋有遺經

匣藏傳劔積茲餘慶必有揚名愚方遁迹丘園游心墳素

前耕後餉併食易衣一伎不求道誠有在自媒自衒病或

未能雖呂範以父貧一治長之無非昔公愛女今愚病妻

內動肝肺外揮血淚以仲尼三尺之喙論意無窮盡文通

互色之毫書情莫既呼哀哉公其監之此篇原編入九

門今移
于此

祭外姑宇文人文

陳子昂

維年月日朔女夫陳

昂謹以清酌嘉蔬之奠奉祭于故

高氏河南宇文夫人之

靈恭聞夫人有清穆之德皓潔之

行淳懿肅恭內外仰則

而道集作遣風素範蕙敷蘭滋用能

惠心光浮氛氲泃泃崇

嚴壺訓芬郁母儀中饋柔嘉娣姒

有則豈圖慈顏幽翳於

今十年毫木集作汪木已拱尊靈廓然

今吉辰叶應幽殯方開

容象如在器質已灰改卜有禮集作禮

典宅兆方遷山園既列

祖載行焉哀子號咷女也蟬集作蟬

媛於集作終天永訣泣血

流連子昂謬承嘉惠預叨姻戚生

痛甲映送終空積竊聞

精意以享黍稷非馨敢陳薄酌以

靈伏惟夫人明神必饗

文苑英華卷第九百九十一

文苑英華卷第九百九十二

祭文十五

親族二

祭兄文四首

祭弟文五首

姨弟附

祭符離六兄文

白居易

維貞元十七年某月某日從祖弟居易等祭于符離主簿

六兄之靈嗚呼聖人

集無字

忘情愚不及情情所鍾者惟居

易與兄豈不以親莫愛於兄弟別莫痛於生死

集作死生

斯親

也而有斯別也孰能不哀

集作苦

後中來而失聲去年春居

易南遊兄亦東適黔歎之間欣然一覲相顧笑語相勉行

役中路遽別情甚感激孰知此別為生死隔矧兄遇疾于

路路無藥石歸全于家家無金帛環堵之室不容弔客稚

齒之子未知哀感自古孔懷之痛亦莫我之與劇古人有
言神福仁天祐集作福敬又曰惡有餘殃善有餘慶惟兄道
源乎太和德根乎至性以孝友肥其身以仁信羶其行而
位不登於再命年不及於知命何報施之我欺俾吾兄之
不幸嗚呼已焉哉既卜遠日既定集作宅新阡春草之中盡
集作盡為墓田濰水南岸符離東偏其地則邇其別終天惟
弟姪與家人儼拜哭於車前魂兮有知鑒斯文歆斯筵知
居易之心煢煢然

祭烏江十五兄文

時在宣城

前人

維貞元年十七年七月七日從祖弟居易謹以清酌庶羞
之奠敬祭于故烏江縣主簿十五兄之靈易云積善之家

必有餘慶書曰非天人人中自

集無此字絕命則冉牛

論語

伯牛名耕斯疾顏回不幸何繆集作

之若斯諒聖賢而

集作

同病惟兄之生生而不辰孩失其怙幼喪所親房無兄弟
藐然一身自強自立以至成人蓋以孤子靡託友愛彌敦

自居易與兄及高九行簡雖從祖之昆弟甚同氣之天倫

故雖百里信宿之別曷嘗不惻然而悲辛矧終天之末訣

知後期之無因徒撫膺而預涕諒沉痛之難伸追思乎早

歲離阻各悲零僂中年集會共喜長成同參選於東都俱

署吏於西京居則共被而寢出則聯騎而行友于四人同

年成名優游笑傲怡怡弟兄雖不敢集作此字伴八龍三虎亦

自謂當家一時之榮及兄辭蒲淮南薄遊江東居易亦以

行邁忽逆旅而相逢或歌或酒宴衍從容何朝不遊何夕
不同常以兄仁信根於心孝弟積於躬謂至行之有益集
答必景福之集作以集作來從嗚呼位始及一命祿未過數鍾年
又不得四十而歿於道路集作之中鬱壯志而不展結幽
憤於無窮况舊業東洛先塋北邙三千里外身歿陵陽有
妹出嫁無男主喪悠悠孤旆未辨還鄉宣城郭集作西荒
草道傍旅殯於此行路悲涼秋風蕭蕭白日無光聚今晨
之弟姪對前日之盃觴稽首再拜魂兮來享進三奠而退
一慟孰不神酸而骨傷哀哉伏惟尚饗

祭浮梁大兄文

時在九江

前人

維元和十二年歲次丁酉閏五月十日巳亥居易等謹以

清酌庶羞之奠再拜跪而哭大哥于座前伏惟哥孝友慈惠
和易謙恭發自脩身施於為政行成門內信及明察蕪幹
露於官方温重形於酒德冀資福履保受康寧不謂纔及
中年始登下位辭家不集作踰數日寢疾未及兩旬皇天
無知降此凶酷交遊行路尚為興歎骨肉親愛豈可勝哀
舉聲一號心骨俱碎今屬日時叶吉窀穸有期下邳南原
求祔松楸居易負憂繫職身不自由伏枕之初既闕在左
右執紼之際又不獲躬親痛恨所鍾倍百常理嗚呼追思
曩昔同氣四人泉壤九重剛奴早逝巴蜀萬里行簡未歸
罔然一身漂棄在此自哥至此集作形影相依死灰之心
重有生意豈料避弓之日毛羽摧頽垂白之年手足斷落

誰無兄弟孰不死生酌痛量悲莫如今日宅相癡小居易
無男撫視之間過於猶子其餘情理非此能伸惟集作伏冀
慈靈俯鑒悲懇哀纏痛結言不成文嗚呼哀哉伏惟尚饗

為李兵曹祭兄濠州刺史文 李商隱

年月日伏惟靈天枝挺秀帝系傳芳材高杞梓價集作位重

珪璋蘭芷斯茂先以馨香干饒將用不挫鋒鋷始備千牛

俄仕諸衛逸意方超絕足猶繫爰佐群僕亦掾神京邑惟

二宅曹實五兵地峻流急官閑政清嵩少曉靈伊洛秋明

侶能吟之謝客伴作賦之賈生遂擢堯厨仍調湯膳位列

集作字大朝名參內殿朱紱輝華銀龜舊粲漢有宗正委之

親賢貳彼惟月人寧我先外夷求騁集作求天子憂邊皇

華始賦紫綬俄懸雄其出塞之任假以中臺之權不拜無

慙於蘇武去節寧類集作疑於王馬銜鬚誓死啣雪復全帝

仗使者吾無媿旃旣還中華止同屬國蒼蠅難備集作法員

錦方織好丹非素點白為集作成黑曹時不知非予有惑旣

先忌於絳灌遂不容於樂郤竟陵山水鍾離控扼名貴隼

旗時瞻熊軾人以功遷吾由謗得其明若神其惠如春先

除黠吏且活疲民汙萊盡闢邑室重新草祥木瑞獸去鳥

馴方俟徵還俄嬰美疾積微而桓侯竟晚達命而徐公待

盡怳怳空驚遲遲未信誰知泉路之高低孰測夜臺之遠

近求惟良配亦實女師庶姜猶效君子是宜異室無怨同

穴有期河魴者詠皎日裁詩嗚呼哀哉龜筮叶從日時斯

卜將去芳郊言辭華屋草樹縈帶川源廻複白髮孤弟臨
棺慟哭失慈撫於終身宛聲容之在目心摧則冰炭交集
血下而縷縻相續萬古未訣百身何贖酒滿未御殺乾未
臨已矣伯氏來慰哀心

爲人作祭弟文

張說

維景龍三年

宋作元年按通鑑目錄景龍四年庚戌七月改元年景雲當考

歲次庚戌正月

月癸丑朔

通鑑目錄作壬子朔

五日丁巳從兄兵部尚書某以清酌

少牢之奠致祭於故將軍弟之靈欽若貽宴俾降戩穀神

作

集作拆

玉衣天開

集作門非

金屋綿系溢寵諸宗橫福覩交泰

之二儀承殷序

集作序殷

之九族引同本於條幹合分流於昭

穆義有感而意深恩無方而情篤况且山慕喬頂林晞秀

深仁遠慶俟子而

集作能

復何縱才之有餘而輔德之不

是舉朝野而皆痛在親密

集作密

而尤酷嗚呼哀哉未懷令

弟言念生平蘭薰

集作華

雪艷一玉潤珠清禮樂懸解文章挺

生三篋暗記千門畫成風流均至美月旦馳

集作領

聲掌北軍

之師律首東觀之詞英偉壯大之獻頌善仁者之論兵卷

新豐而臨幸遶湯井而連營那奉車之暴逝忽復綏而凶

行軫天悲於宸振聚國

集作國聚

族於華京惠連詩夢子敬琴

情儻昭昭之不氓知親親之至誠嗚呼哀哉尚饗

同前

前人

維年月日兄某致祭亡弟尚書之靈天其

集作實

喪予不慈

遺善家殞玉樹國墜寶臣嗚呼執柔何痛之甚嗟予與爾

夙遭憫凶哀惇相鞠殆及長性實岐實穎德表宣慈

居盡友悌之心言必忠貞之事綿綿我族俟子而大奉祖

德之令圖荷朝戚之渥惠白首相對紫綬相紆爾既秉國

均集作鈞既敷朝典出牧千里入宰六官余聞爾言常戒過

寵余嘉爾行在貴能卑清淨溫恭每希於上士飲食車馬

不越於平人每思與爾歸印東都懸車故里揚名講德居

常侍終當謂老夫沒於汝手不圖令弟殞疑作殞自我先及

爾纏痾屬余伏枕不見數日長悲九泉嗚呼刊述未成平

生已盡髮膚猶在魂魄焉知聞爾屬續之辰託余身後之

事薄奠之禮還從爾心字孤之情不待遺意所恨在疾不

克於喪不臨沉綿苦懷纏迫斯廿世余羸老矣傷心幾何人

兩亡命也命也

祭亡弟故左羽林軍兵曹參軍文 遜逖

余年有五爾實以生四十餘載而為兄弟撫髻並育接祗

相成奈何棄予長隔幽明爾之德器寬仁溫厚天道何欺

不假爾壽爾之緣飾文學政事天道何欺不假爾位未至

中秋總過強仕奄忽如斯嗟何及矣予兼右職爾位中司

兩京為別數稔于茲頃雖一見倏已三時會合嘗少悠悠

我思近有東訊駕言西上顧日望期心存目想當乘疾置

以軾俎兩方欲再馳豈圖長往醫不及藥不及嘗壯年

殞命暴疾罹殃無一言以告訣有萬恨於冥茫長號永痛

裂膈抽腸爾逢疑天威余限事倉卒之辰急難靡寄遣

奠之日奔臨莫遂痛緒彌深六公端益至今也來斯驟移時
律目絕遺象心摧虛室顧天_之有戚若具體之喪一諒
修短之同歸在先後而相恤_無遺孤而流慟氣腦臆而內
圯伊物情之共傷豈余心之忍此蓬也未立穆兮仍稚以
吾視之何但猶子神本不滅爾則有知精爽如在知今心
期同蔬永絕采藻空施銜酸沃酌哀不能支

祭小弟文

白居易

維元和八年歲次癸巳二月_庚朔二十五日仲兄居易季
兄行簡以清酌之奠致祭于_三弟金剛奴嗚呼川水一逝
不復再還手足一斷無因再迎惟吾與汝其苦亦然黃壚
白日相見無緣每一念至腸_熱骨酸如以兩火刺灼心肝

况爾之生生也不天苗而不秀九歲夭焉昔權殯爾睢南

古原今改奠爾

集作子

渭北新阡俯

集作附

先塋之北次就卑

位於東偏冀神魂之不孤庶窳窳之永安嗚呼自汝捨吾

集作我

歸于下泉日來月往二十二年吾等罪逆不孝殃罰

所延一別爾後再罹凶艱灰心垢面泣淚漣漣松楸之下
其生尚殘昔爾孤於地下今吾孤於人間與其偷生而孤
苦不若就死而團圓欲自決而毀滅又傷孝於歸全進退
不可中心煩冤仰天一號痛苦萬端嗚呼爾魂在几爾骨
在棺吾親奠酌_{蜀本}於爾床前苟神理之有知豈不聞吾
此言尚饗

祭楊判官八弟文

唐次

維年月日姨兄開州刺史唐某以清酌庶羞之奠敬祭于
楊判官八弟之靈平生懿密重以嘉姻四海之內惟君一
人發自總角逮于知命遨遊讌寢一歌一詠周流俯仰得
君輝映野寺孤亭松門竹徑接襟援手和神善性霜鶴唳
天玉音在聽空室閑齊枯棊爛柯自非常生受勝相磨坐
隱終日負進亦多歷歷笑言其情若何歡事勝遊皆隨逝
波事均榮感心冥貴賤骨肉爲交肝膽相見嗚呼哀哉婉
予幼妹爰居爾室旣結其褊載和琴瑟何年齡之脆促乃
貞美之先失悼手足之零落又吾人之凋歿以君之才以
君之藝合蹈豐福合居上第行與命違道將時肯遇此仁
厚天胡不惠博雅裴君鎮此南土大昭雋髦鸚鴻作侶會
某月中茲炎毒百藥無驗頽齡愈促悵悵旅魂淵淵
目日雖瞑而有報魂強招而可復加有傷但况惟我親涕
淚橫隨遍乎衣巾想容色兮如在覽毫翰兮猶新嗚呼哀
哉神理昭然幽途可覲悲心自攢痛淚血瀝何疇日之歡
慙變今辰之空間歸葬猶緩俟君冢嫡魂兮歸來安此幽
宅嗚呼哀哉尚饗

苑英華卷第九百九十二

苑英華卷第九百九十三

祭文十六

親族三

祭姨文二首

祭女文二首

祭姪文一首

祭姪女文二首

祭徐氏姨文

李商隱

嗚呼追訣慈念一十八年罪積行違上下無禱天怒猥集
 不誅其身再丁憫凶藐無恃怙號瀆荼裂心摧骨崩獲見
 諸甥來奉遷合舊物半同於泥滓新阡方列於松楸斷手
 拆足厥痛非擬終天歿地此誠莫伸冤痛蒼天苦孤蒼天
 始某兄弟初遭家難內無強近外乏因依祗奉慈顏被蒙
 訓勉及除常制方志人曹以頑陋之姿辱師友之義獲因

文筆實忝科名三千

集作遷

有司兩被公選再命芸閣叨跡

時賢仲季二人亦志儒墨於顯揚而雖未進脩進作脩而

不隳永惟幽靈盍亦垂鑒今者苴麻假息糞土偷存不即

殞傷蓋亦有以伏以奉承大族載屬衰門三弟未婚一妹

處室息胤猶闕家徒索然將恐丞嘗有曠闕之憂立隴絕

芟除之主延駐晷刻不敢自私又以祖魯之前未一完兆

骨肉之內猶有旅魂將有來茲克用通便以顯之義雖不

敢望無忝之訓庶幾或存靈其聞之必將加憫然有以沒

齒懷恨粉身難忘者以靈之懿茂而不登遐壽不生賢人

使別女致哀猶子為後哀哀天地云胡不仁默默神祇其

何可訴今尚與二子既為我甥誓當撫之以慰幽抱男勸

學使得祿仕女求其偶必擇賢良縱乖宅相之徵庶幾

忽諸之歎壽堂宿啓潛舟既移那期求訣之悲復見重開

集作之兆以祥忌云近哀憂載迷不獲臨壙達誠撫極致

奠東望景毫推心仆身具穉擇疏灑以淚血日慘風遠叫

號無聲伏惟明靈一賜臨鑒孤苦蒼天不孝蒼天

祭裴氏姨文

前人

嗚呼哀哉靈有行於元和之年返葬於會昌之歲光陰迭

代三十餘秋得不以既葬集作闕廟見之儀杖卜

二字集作故卜

言舉歸宗之禮不幸不祐天實為之推心泣血孰知所訴

恭惟先德實紹玄風良時不來百里為政愛女二九思託

賢豪誰為行媒來薦之子雖琴瑟而著詠終天壤以興悲

謂之何哉繼以沉恙禱祠無冀奄忽凋違時先君子以交
辟貞來南轅已轄接舊陰於桃李寄斃殯之松楸此際兄
弟尚皆乳抱空驚啼於不見未識會於沉寃澗水東西半
無可歸之地九族無可倚之親既祔故丘便同逋駭生人
窮困集作異聞見無所及衣裳外除旨甘是急乃占數東甸
傭書販春日就月將漸立門構清白之訓幸無辱焉既登
太常之第復忝天官之選免跡縣政刊書祕丘榮養之志
終通啓動之期有漸而天神降罰艱棘并丁弱弟幼妹未
笄未冠世集作胤緒猶闕家徒屢空載惟家長之寄偷存畧
刻之命號天叫地五內崩摧然亦以靈寓殯獲嘉向經三

紀歸祔之禮闕然未修是冀苟全得終前限屬劉孽叛換
逼近懷城懼惟焚發之災求抱幽明之累遂以前月初吉
攝線告靈號步東郊訪諸耆舊孤魂何託旅櫬奚依垂典
欲墮之悲幾有將平之恨斷手解體何痛如之灑血荒墟
飛走同感伏深朝夕二奠不敢久離遂遣義叟一人主張
啓奉抱頭拊背戒以信誠附身附棺庶無遺闕壇山榮水
實惟我家靈其求歸無或栖寓嗚呼哀哉靈沉綿之際殯
背之時某初解扶床猶能記面長成之後豈忘遷移頃者
以先妣年高兼之多恙每欲諮畫即動作咸涕泣既繁寢
膳稍減雖云通禮亦所難言荏苒于斯非敢怠忽今則南
望顯考東望嚴君伯姨在前猶女在後克當寓殯疑作歸

養幽都雖歿者之兆宅永安而存者之追攀莫及又以十
二房舊城風水為災胡子彭兒藐然孤小雖古無修墓著
在典經而忘禮約情亦許通變今則已於左坎集作別卜
鄰集作原重具棺衾再立封樹通年難遇周集作月異辰
兼小姪寄兒亦來自濟邑駭魂雅魄依託尊靈遠想先域
之旁纍纍相望重溝壟陌萬古千秋臨穴既乖飲痛何極
唯安陽阻妣未祔仍世遺憂昨本卜孟春便謀啓合會雍
店東下逼近行營烽火朝燃鼓鼙夜動雖徒步舉櫬古有
其人用之於今或為簡率潞寇朝彌則此禮夕行首夏已
來亦有通吉儻天鑒孤藐神聽至誠獲以全茲免負遺託
即五服之內更無流寓之魂一門之中悉共歸全之地今

乘親饋遺朝暮餽餽收合盈餘節省費耗所望克終遠事
豈敢溫飽微生苟言斯不誠亦神明誅責老舊僕使總餘
兩人靈之組繡餘工翰墨遺跡並收藏篋笥用寄哀傷嗚
呼哀哉葬天當年骨還舊土箕箒尋移於繼室兄弟空哭
於歸魂終天街冤心骨分裂胞胎氣類寧有舊新叫號不
聞精靈何去寓詞寄奠血滴緘封靈其歸來省此哀殞傷
痛蒼天苦孤蒼天伏惟尚饗

於郎

集作

州別女足娘墓文

李翱

維長慶元年歲次辛丑十二月癸亥朔十九日辛巳父舒
州刺史翱以酒菓之奠敬別於第七女足娘子之靈吾以
前月二十六集作日蒙恩改舒州刺史以明日將領汝母

等水路赴州故以酒菓來與汝別嗚呼我為汝父汝則我

集作女王命有期不得安處延陵喪子莫不歸吳考之於

禮其合矣夫汝之形骨託終此土汝之精神冥冥不覩上

及子天下及於泉鬼神有知汝骨安全求求終古無有後

艱我來訣別灑涕集作漣漣嗚呼哀哉尚饗

為外姑隴西郡君祭張氏女文 李商隱

吾配汝先世二十餘年七女五男撫之如一往在南海令

子云亡藐爾兩孤未勝多難提挈而至踰涇涉河十年之

間母子俱盡念汝差長慰吾最深女德婦容光映烟表秭

歸為牧官閑俸優實獲我心用選良對笄旒纒纒環佩鏘

錫錙斯鳳凰兩有深慶汝天集作文章播于友朋身否命

久而不第郎寧合浦萬里乖離汝寄京師食貧終歲項

吾南返又往朝那汝實從犬適來岐下道途雖邇面集猶

妨金馬碧鷄長懸魂夢及登叢揆去赴天朝汝罷蒲津津

來胥會朝堂夜閣曲榭集作爐稚子雛孫滿吾懷抱汝

時不祐忽爾孀殘撫視冤傷載慟心骨旋移計下念汝支

離下室築居言遷穎上路童作孽使節啓行崎嶇關山暴

露戎旅汝失所怙吾猶未亡念汝弟昆莫任堂構牽哀挽

痛愉此殘生日往月來旋更氣序吾衰汝少吾病汝強誰

謂一朝汝先吾逝五男未冠二女未笄哀憤之深難念集作

全禮道章兒盧七取以依吾汝夫先丘遠在江渚群從之

內官名且稀劉四頃年固難返奠始議權厝遂得嘉占白

馬呈祥眠牛薦吉里名三趙地爾九城風水無虞巒岡信
美葬於所殆古為達生將命來雲自我為祖今汝之極斯
焉是歸嗚呼言自淮陽已臨洛宅素棺丹旒託宿城隅盤
具盃醪儼然已備吾將臨汝用雪沉寃介婦諸孫憂吾衰
齒俯令推測云有相妨俗忌巫言吾非甚信牽衣擁路固
不可違集作女使僕奴寄詞而往肝腸兼潰血淚無行嗚
呼曩昔容華生平淑婉漠然不見末矣何歸將籍掛諸天
遙歸真路將福興靜域須赴上生將為豐累所招遂淪幽
界將是療治不至枉喪韶年千感集作裝懷萬疑疊慮觸
途氣結舉月心摧天實為之復將何訴嗚呼汝弟言護靈
輻自始及今必城必信棺衾華好封隧幽深求從汝夫以

玄路寃摧潰結殆集作不勝書嗚呼有靈領吾此意

祭姪集作兄子集作老成文集作韓愈

貞元十九年五月二十六日季父愈聞汝喪之七日乃有集
能銜哀致誠使建中遠具時蓋之奠告汝二集作郎子集作十
之靈嗚呼吾少孤及長不省所怙惟兄嫂是依中年兄沒
南方吾與汝俱幼從嫂歸葬河陽既又與汝就食江南零
丁孤苦未嘗一日相離也吾上有三兄皆不幸早世承先
人後者在孫唯汝在子唯吾兩世一身形單影隻嫂常撫
汝指吾而言曰韓氏兩世在集作此而已汝時幼小當不
復記憶吾時雖能記憶亦未知其言之悲也吾年十九始
來京城其後四年而歸視汝又四年吾往河陽省墳墓遇

汝從嫂喪來葬又二年吾佐董丞相集有幕字于汴州汝來省

吾止一歲請歸取其孥明年丞相薨吾去汴州汝不果來

是年吾蜀本有又字佐戎徐州使取汝使集無此字者始行吾又罷

去汝又不果來吾念汝從于東東亦客也不可以蜀本有又字

圖久遠者袁本作不可以圖圖久遠者莫如西歸將而集作家而致汝

嗚呼孰謂袁本作遠汝遽去吾而集註歿乎吾與汝俱少年以

為雖暫相別終當久相與處故捨汝而旅食京師以求斗

斛之祿誠知其如此雖萬乘之公相吾不以一日輟汝而

就也去年孟東野往吾書與汝曰吾年未四十而視茫茫

而髮蒼蒼而牙齒動搖念諸父與諸兄皆康強而早世如

吾之衰者其能久在集作乎吾不可去汝不肯來恐且

死而汝抱無涯之戚也孰謂少者歿而長者存強者夭而

病者全乎嗚呼其信然耶其夢耶其傳之非其真耶信也

吾兄之盛德而天其嗣乎汝之純明而不克蒙其澤乎少

者強者而天歿長者衰者而存全乎未可以為信也夢也

傳之非其真也東野之書耿蘭之報則何為而在吾側也

嗚呼其信然乎集作吾兄之盛德而天其嗣矣汝之純明

實業其家者不克蒙其澤矣所謂天者誠難測而神者誠

難得集作矣所謂理者不可推而壽者不可知矣雖然吾

自今年來蒼蒼者或化而為白矣動搖者或脫而落矣毛

血日益衰志氣日益微幾何不從汝而死也集註死作如而有

知其幾何離其無知悲不蜀本有知字幾時而不悲者無窮期

矣汝之子始十集作一歲吾之子始五歲少而強者不可保

如此孩提者又可集作可冀其成立耶嗚呼哀哉嗚呼哀哉

汝去年書云比得軟脚病徃徃而劇吾曰是病集作疾也江

南集作有字之人常常有之未始以為憂嗚呼其竟以此而殞其

生乎抑別有疾而至斯極乎汝之書六月十七日也東野

云汝歿以六月二日耿蘭之報無月日蓋東野之使者不

知問家人以日月集作如字耿蘭之報不知當言日月集作時

東野與吾書乃問使者使者妄稱蜀本作傳以應之耳其然乎

集有其不然乎今吾使建中祭汝弔汝之孤與汝之乳母彼有食

可守而待終喪則待終喪而取以來如不能守以終喪則

遂取以來其餘奴婢並令守汝喪吾力能改蜀本有終葬葬二字

汝於先人之兆然後唯其所願蜀本有馬字嗚呼汝病吾不知

時汝歿吾不知日生不能相養蜀本作以相養以共居歿又不得

撫汝以盡哀殮不衣本有得字憑其棺窆不衣本有得字臨其穴吾

行唯作何負神明而使汝天不孝不慈而不得與汝相養以

生相守以死一在集作在天之涯一在地之角生而影不與

吾形相依死而魂不與吾夢相接吾實為之其又何尤彼

蒼者天曷其有極自今也集作已徃吾其無意於人世矣當

求數頃之田於伊潁之上以待餘盡集作年教吾子與汝子

幸其成長吾女與汝女待其嫁如此而已嗚呼言有極集作

字而情不可終汝其知也耶其不知也耶嗚呼哀哉尚饗

祭姪女行軍夫人文 令孤楚

年月日某官某致祭于故十三姪女行軍夫人之靈嗚呼
婦德尚柔以宜其家人之不幸生也有涯側聞夫人明懿
穠華輝奪夜光鮮侔晨葩行軍之妻尚書之女動而中禮
欲不踰矩婉彼宋子歸于鄭武主吏之昌副軍大鹵雲霄
茲姑琴瑟方調孰云大年曾莫崇朝曄曄舜華不思疑風
飄灑灑薤露先且而消嗚呼哀哉昔也北來繡帷虧蔽今
茲南去丹旆容曳遊矣冥漠宛然慈惠嫡女墜心良人迸
涕嗚呼哀哉本支百世如水一源况是鰥夫彌憐小孫千
齡共盡萬化如存申奠致詞悲何可言尚饗

奠小姪女寄寄文

李商隱

五月二十五日伯伯以果子弄物招送寄寄體魂婦大堂

嗚呼哀哉爾生四年方復本族既復數月奄然歸無於鞠
育而未申結悲傷而何集作則極來也何故去也何緣念當

稚戲之辰孰測死生之位時吾赴調京下移家關中事故
紛綸光陰遷質寄瘞爾骨五年于茲白草枯芟荒塗古陌
朝飢誰抱夜涕誰憐爾之栖栖吾有罪矣今吾仲姊反葬
有期遂遷爾靈來復先域平原卜穴刊石書銘明知過禮
之文何忍深情所屬自爾歿後姪輩數人竹馬玉環繡襜
文葆堂前堦下日裏風中弄藥爭花紛吾左右獨爾精誠
不知所之况吾別娶已來集作亂緒未立猶子之義倍切
他人念往撫存五情空熱嗚呼榮水之上壇山之側汝乃
曾乃祖松楸森行伯姑仲姑冢集作壙墳相接汝來往於此

勿怖勿驚華綵衣裳其香飲食汝來受此無少無多汝伯
祭汝汝父哭汝哀哀寄寄汝知之耶

文苑英華卷第九百九十三

文苑英華卷第九百九十四

祭文十七

親族四

祭妻文二首

祭姨文一首

祭姊夫文一首

為崔氏姊祭大夫何郎文二首

祭新婦文一首

雜祭文九首

祭亡妻傅陵郡君文

獨孤及

大曆八年二月十五日檢校司封郎中兼舒州刺史獨孤
及謹以清酌菜菓之奠敬祭于故傅陵郡君之靈嗚呼及
顧惟鄙薄謬忝合好采繫助祭歲時未幾執手偕老昊天
遽奪齊體苦晚遺跡太早猶未知壽域有涯短長已臻其

極耶將薄佑速豐宜為淑明所棄耶左壁挂存琴瑟響絕
脩法勤集作義今將疇依日月有時龜筮何集作協將陟
集作故路附于先塋及為印綬所拘不獲親自封樹豈虞
此別死生間之往歲方舟偕來今也單輅獨歸郊岐不集
一慟心骨可絕頃者萬事無非去塵變化茫茫往矣何道
今日卮酒將持末別尚饗

祭妻李氏文

符載

坤道尚順婦德尚柔於維夫人瓌瓌寡仇玉樹易摧慶雲
不留零落當年職此之出禮云胖合意不為薄矧余於子
既和且樂一朝已矣百端無託穆穆中闈從茲寂寞常日
和鳴尚為邈然此別如何遂欲終天夏木蓋庭新陰羊紙
情焉

祭楊夫人文

白居易

維元和三年歲次戊子八月辛亥朔十九日己巳將仕郎
左拾遺翰林學士太原白居易謹以清酌庶羞之奠敬祭
于集有陳楊夫人之靈惟夫人柔明理集作性溫惠保身

靜脩言容動中規度洎承訓師氏作嬪良人茂四德而蘭
幽有香潔百行而玉瑩集作無玷發為淑問著為芳猷姻

族有輝閨闈是式噫福行集作何昧積慶無徵宜享永年

遽歸長夜浮生若此永痛如何嗚呼生必有涯如何不歿
所甚感者其惟情乎故事劇者情易鍾深感者理難遣夫

人雖從宜

集作宜其

室竟未辭家畜和順之誠不得施於姊姒

蘊孝恭

集作茲

之德不得展於舅姑有志莫伸何恨過此况

一嬰沉酒自夏徂秋伏枕七旬姊妹視疾歸觀千里弟兄

主喪凋桃李之花夫遠不見失乳哺之愛女小未知其

乃使哀情倍鍾血属洛川迢迢秦野蒼茫日慘不見雲愁

無色妹孤

集作姊妹

且病親老尤慈哭別一聲聞者腸斷居易

早聆懿範近接嘉姻維私之眷每深百

集作有一

慟之情何已

恭

集作敬

陳薄奠庶鑒悲誠尚饗

祭徐姊夫文

李商隱

嗚呼以君之文學以君之政術幼以自立老而不倦亦可

以為君子人矣君子人歟而不即清途不階貴仕此其

也夫何慊焉始者仲姊有行獲託貴族半產以資於外

闔門冀託於仁人將以衰微倚為藩援不圖薄祐天奪初

心仲姊凋殂諸生不育以親以懿翻為路人再號再呼莫

訴蒼昊尚以君子存伉儷之重敦行李之私二十年已來

雖事賒而意通跡遙而誠密神常賜

集作自

鑒愚豈敢忘逮

愚不天再丁凶疊泣血偷息餘生幾何君亦赤紱銀章制

東從務道途悠邈時序徂遷訝弔緘之不來忽計畫而俱

至感舊懷分情如之何理玉焚芝固未可喻嗚呼今來古

往人誰不亡於君之亡其酷斯甚藐然一女總已數齡乞

後旁宗又未曾立賢第扶服東路遇疾洛師徘徊十旬淹

不得進浮泛水陸厥途四千逮旒云歸曠然無主尼姑居

宗老之地駢

集作駢

奴惣家相之權獲及故阡信為餘慶其

所以為附

禮記作附下同

身附棺之具又豈礙平生之曠達耶日

月次遷卜筮斯叶幽明之異始於今辰愚方纏哀憂瘳恙

縻寢不及一攀宰樹一慟荒阡謝淡成之交申永訣之禮

矧余仲妹君其與

集作與

歸撫心骨以皆驚拔血淚而何筭

嗚呼已哉其何言耶襟衣非華奠物殊薄靈其監此慰我

哀心嗚呼哀哉尚饗

為崔氏姊祭大夫何郎文

符載

嗚呼莫莫女蘿縈紆葛藟我有弱妹克配君子關雎之化
夫婦之始禮奉遵豆義濟死生常恐寡訓昧章惰理夙夜
箴規庶無愧耻結檮成婚垂三十春樂踰鼓瑟敬越如賓

才盛道貴為唐碩臣擁荒樹羽夏水之濱鼎食錦衣長戟

朱輪宗族百口庇公清塵浩浩陂池常為無津坊崩水涸

哀此窮鱗嗚呼序當仲姊自慙踈昧用禮過恭豐家甚泰

良辰美景長幼高會錯落圓方抑揚矜昧神理如何杳杳

茫茫朝榮夕落使人摧傷言自漢江將歸洛陽喪旗旅櫬

親墳舊鄉苟可薦誠蘋藻馨香感深恩而何報寄沉痛於

孤孀

為錢侍御太夫人祭新婦文

前人

嗚呼婦姑之間尊嚴而已情苟不至兩城千里吁嗟新婦

德禮具美心之所親如臂有指齒髮衰暮方用依倚天降

鞠凶骨驚心死新婦門緒薰華派流深遠貞淑端一聰明

婉婉奉余以敬待夫有則舉案得如賓之禮均養實鳴鳩
之德勤勞絲枲吉蠲酒食自中閨之與外姻莫不盡其心
力嗚呼爾之事吾善非一端柔聲順色迎意承歡晨鷄初
鳴風高露寒環珮至止我心則安今也年高人問意闌爾
復捨我窮泉杳漫秀帷空虛孤稚摧落深沉注視焦然肺
肝嗚呼鄉關迢迢道路乖阻權厝茲地非為求處壽堂猶
近如聞暗語靈其慰安無或羈旅撫棺永訣持觴奠醑寫
一慟於高秋望素車以延佇

雜祭文

為岐

集作伎下同

人祭元十郎文

張說

維神龍三年月朔日故岐人伏十善謹以清酌少年之奠

敬祭于元十郎之靈綠水

集作流

茂樹藻

集作萍

蘿是依山崩

川竭魚鳥何歸恭惟主君高才達節賞心樂事風流不絕

歌艷露華舞迴春雪幸持此技承君餘晚綺羅脂粉嬌上

春自言終代保

集作實

情親能知一日

集作旦

君魂

集作思斷繁

絃清管為何人懷主君之一

集作異

顧願徇命於九原迫夫

人之嚴旨遂投足於他門生有十年之愛况無數日

集作爰無

日之恩雖強飾容

集作容飾

於新奉心摧絕而不敢言君子廣

德仁心必遍疇昔與君瑟樽歡宴永懷蕙歎俯憐荼苦錫

以時珍申哀故宇厥車既展祖奠斯開悲歌助挽長袖承

盃平居好此魂來不來心思往而莫遂足欲返而遲迴終

天地於此訣毒煩冤而難裁嗚呼哀哉尚饗

祭和靜縣王文

前人

維年月朔日敬祭薛氏太夫人和靜縣主之靈惟夫人軒
庭繁祉羸臺茂淑承訓公宮宜家鄉族博士學問集作尚

書題目法度蘋蘩刑儀集作儀刑松菊夫拜中令昔同鮑婦子

昇璫闔今類馮母舉案如賓闔門戒友在貴能降居貧施

厚天道初革王風變韶維城落構若木踈條欽聞積善智

洽仁昭克庇二族命服兩朝肅肅柔禮集作和如風是暢我

我集作娥女師如月斯望潘輿獻壽仲祿方養不弔昊天何

德之喪嗚呼哀哉洛邑啓殯長安歸陌哭慟高堂集作臺旌

懸舊宅階濕夜露庭陰曉魄嗟我外姻俱成弔客

為留守賈尚書祭嗣曹王故太妃文

穆員

年月日某官某乙謹遺某官某以清酌少年之奠敬

于荆南節度觀察使戶部尚書兼御史大夫嗣曹王故太

妃之靈名山大川列于祀典以其所育能利於人恭惟太

妃享用元福乘運之啓受天之終間生親賢為國藩屏人

賴德施祀之攸宜樂貴自生禮宗其本維厥分剛資於卜

鄰報我以榮則公侯其位養我以志則嬰孩其心如何風

樹之悲遽奪晨葩之慶哀哀嗣王泣血終制既及先遠疚

焉如新中貴護喪有司備物詔臨祖奠弔集同盟風物含

悽簫笳啓路泉扉一閉松月千秋黍稷非馨精誠所至尚

饗

為杜相公祭易棣張相公太夫人文 符載

熊罴之門將大而榮必有令母贊成家聲於維尊儀涵懿
稟靈德補陰教言為婦經輔助司空淑茂芳馨大君有命
啓封于邢宜保攸長既休且寧鞠凶何謂鍾我天齡英英
家疑作豕子少年杖鉞身靜邊封世間忠節孟軻賢聖陶侃
勲列實由二母卜鄰截髮端揆承訓事君禮竭知與古人
異時同轍杯圈猶澤扇枕末訣創鉅痛深茹荼泣血某以
拙薄叨鎮藩維偕分天子之茅土共列太常之旌旗歲月
崩迫窀穸有期拘以戎事無因載馳風景蕭索山川逶迤
遺蘋藻以寫慟瞻壽堂而凄其

為魏元忠祭石嶺戰亡兵士文 張說

維長安二年月朔日勅并州道行軍大總管兼宣勞使左

蕭政御史大夫同鳳閣鸞臺三品兼知并州事魏元忠遺
裴思益以酒脯時菓之奠致祭于石嶺戰歿兵士之靈戎
羯漫天南牧吠王石嶺橫地北都扃戶興集作與我王卒保
界并土如何不弔惟此寇虜列鎮既嚴連巖既削攻則路
險守非惡城集作城惡彼謀匪滅實行愆借作援絕兵城軍孤勢
弱地拒兩陁山望雙臺胡塵天起白刃交錯石盡矢窮旗
焚胄落嗟爾戰夫烈烈忠勇奮不顧命志無旋踵身歿名
揚生輕義重天子命我理兵晉陽思與士衆底寧遐荒痛
茲壯士翦為國殤盡訴天帝降厲鬼方助氣金鼓復怨沙
場虜血爾酌虜醢爾嘗封屍死所招魂故鄉尚饗
為魏元忠祭石嶺沒陷士女文 前人

維長安二年月朔日勅并州道行軍大總管兼宣勞使左
肅政御史大夫同鳳閣鸞臺三品兼知并州事魏元忠遣
裴思益以酒脯時菓之奠致祭石嶺死亡百姓之靈北胡
自擅賊害不道氣悍朔風馬肥秋草侵軼郡縣驚逼稚老
奔走山林是賴集作是保兵不善守將不遠謀如何滅竄
無復燒牛俾爾士女燔于寇讐魂飛狄刃血送袍裘傷悲
雨哭氣怨天愁總兵帝鄉言念北阜抗憤戎漠傷心按部
泣吊郊童哀問田叟爲爾復惡誓滅群醜躡踏蘭山脂膏
芻藪誠若克就歿亦不朽慰爾衆靈酌此簞酒尚饗

祭歿將文

爲杜尚書

梁肅

年月日某使某謹以清酌之奠敬祭于壽州鎮邊十將何

鄴江京官三士之靈嗚呼勤身奉主之謂忠臨敵致果之
謂勇以死成名之謂節惟此三士具茲三美昨者封境不
靜寇竊斯興集作各領軍行以當扞守山谷積阻矢石相
陵謀無所用志必有死遂使勇集作氣挫於小醜雄心屈
於短兵人之云亡斯害也已嗚呼哀哉我居藩鎮不能守
在四隣爾有忠勳遂乃沒于集作一戰且憤且歎激于中
腹集作知以今辰旌定歸壽集作爰遣奠酌用申悲涼
加爾贈賻卹爾孤孀魂而有知知予不忘人誰不終所貴
名揚已矣三士俱爲國殤嗚呼哀哉尚饗

衡州祭者

集作

里渡溺死百姓文

呂溫

維元和五年歲次庚寅十月戊辰朔十七日甲申刺史呂

其遣故衙前虞候何防以豚酒蔬菓二字集致祭蘇昇陳

演李寬秦陳甫魯餘之靈爾等五人感余誠信力輸公稅

爭赴先期溪山阻深潦水集作淫潦暴至不忍欺我忘其險艱

州令未明津渡不謹致此淪逝咎由使君興言涕流痛念

何及聊申薄酌兼致微贈代納殘稅皆余俸錢魂而有知

諒此深意尚饗

道州祭百姓鄧助費念文

前人

維元和五年歲次庚寅五月庚子朔七日景午刺史呂某

遣衙前虞候蔣洛集作沼以酒脯之奠告鄧助費念之靈使

君受命牧汝不能庇護使賊子鸞等敢作不道酷加殺害

是用疚心疾首萬計討擒廉使仁明不貸兇惡窮泉究痛

今日方申慙念無及潜然泣下故令於汝歿處陳賊之屍

魂而有知歆此告酌集作酌嗚呼傷集作哀哉

文苑英華卷第九百九十五

祭文十八

神祠一 祭祭禡

祭百神文一首

祭各山文四首

祭城隍文四首

祭海文一首

祭城文二首

祭龍文二首

祭浙江文一首

禡牙文一首

祭燾文一首

黃州準赦祭百神文

杜牧

會昌二年歲次壬戌夏四月乙丑朔二十二日丁亥皇帝

御宣政殿

集作樓非

百辟卿士稽首再拜敢上仁聖文武至神

大孝尊號于皇帝受冊禮畢迴

集作此字

御丹鳳樓因大赦天

下咸告天下刺史宜祭境内神祇有益於人者可抽常所
上賦以備供具牧為刺史實守黃州夏六月甲子朔十八
日辛巳伏準赦書得祭諸神因為文稱讚皇帝功德用饗
神云皇帝嗣帝天飾天付前壬申年造統天集作業慈仁
寬恩聖明文武或曰誅殛曰我父母譬彼嬰兒豈不可怒
集作或曰畋游苑大林深階嚶跳突千毛萬羽豹裂鵬擒
其樂無伍皇帝曰不匪我不知言豈假汝未撫四夷未考
百度天地宗廟未陳簋簠如寐未寤如痒未愈斥退狗馬
未可以御或曰酒飲順氣貌神莫集作首樂工習自祖集
有父瑤簪繡裙千萬侍女酬以觥竿助之歌舞富貴四海
不樂何苦皇帝曰不如聞四海集作蝗蔽田畝或曰亢旱

或曰淫雨穉老孤寡未盡得所聞一有是首不能舉乃
峻良乃登耆集作老父思朝議依規約矩詳刑定法深刻
不取標揭典制酌之中古遠師太宗近法憲祖休慄思惟
不治是懼四國既平六職攸序黍稷稻梁嘔啞俯俸父父
子子供養撫乳集作父子供養萬里齊倍實皇帝力繫眠而
食罔知其故皇帝乃曰予見郊廟嚴法物楛旒旒集作旒一作
施五帝坐壇百神位集作坵嵬嶷矜蠶捧爵是醮海外天
內戎狄蠻夷奇服異貌伏于除外觀喜叫噪迴御丹鳳大
赦四海改元會昌減論有罪紹功嗣德披集作剔幽昧寒
暑合節風輕雨碎穀溢陳困畜繁脂大東南西北根集作
岸壇紀無有頊憚得可不識灾害三事大夫邦伯諸侯曰

古今文苑卷之五十一 余生

皇帝德古不能作謳歌謠詠安得集作能可稱百工庶人亦

有聚謀拜章口呼願上大號神聽天聞欲揚皇帝之休四

集作洪休帝曰集作二無功不可虛受懇請不已出涕叩頭皇

帝不能止曰予慙羞曰因大赦惟新九州不窮不詐不饑

不偷有窮有饑實吏之尤予實天吏許之省脩約束教誠

織悉丁寧品類細備各當源流皇帝曰俞股肱耳目誠爾

集作示非竭力寒暑風雨宜神是酬匪神之力其誰能謀凡爾

守土各報爾望剥烹羨戴無愛羊牛天下聞命奔走承事

牧實遭遇亦忝刺史齋齋惕慄臨谷將墜視牲濯爵四字集作

濯爵置鬚不委下吏饒羞具潔罔有不備衣冠待曉坐以

儼寐步及神宇踏足屏氣神實在前敬恭跪起詩不云乎

皇天上帝伊誰云憎天憎罪人天可指視止殃其身豈可

傍熾刺史有罪可病可死其身未塞可及妻子無作水旱

以及閭里皇帝仁聖神祗聰明唱和符同相為表裏黃治

雖遠黃俗雖鄙皇帝視之遠近一致洋洋在上實提人紀

無負皇帝自作羞愧月維季夏日維辛巳實神降止神如

有言我答皇帝寒暑風雨其期必至瘡癘水旱未止殫

爾為官人勉為集作其爾治牧敬再拜汗流霑地

祭霍山文

張說

長安二年月日皇帝使并州道集作大字行軍副大總管尹元

凱等敬薦酒脯時菓昭集作敢告霍山之靈皇帝天覆萬物

各遂其性禮乎集作祠干群神罔不咸秩獨彼凶虜默啜悖天

雲人窺邊猾夏略無寧歲皇帝哀此黎獻勤於征役憫彼夷落毒於昏暴常欲誅其魁首安是藩毗寇雲盈稔神人同棄今自送死并朔近驚集作警山陵命將出師龔行天罰惟神炳靈參野作鎮冀方歆是正直贊揚威武俾胡馬化為沙蟲王師衆於草水獻捷之日昭報神休尚饗

別瀟山神文

李翱

維長慶三年歲次癸卯十月壬午朔二十七日戊寅朝議郎守尚書禮部郎中上輕車都尉李翱謹遣舒州攝蜀本作提要籍司衙前虞候吳潭以清酒鹿脯告辭於瀟山大神之靈翱自去歲來臨此邦遭罹炎旱淮左畢同鄰郡逃亡十家六空惟此舒人安業于農我政無能違此歲凶災同報

冀乃神之聰事幸無敗譽斯有融遂系帝命復官南宮神所祐我亦何功將赴京邑路沿大江遣使告辭神鑒余衷尚饗

祭匡山文

白居易

維元和十二年歲次丁酉朔二十一日辛巳將仕郎江州司馬白居易謹以清酌之奠敢昭告于匡山神之靈恭惟神道正直聰明扶持匡廬福利動植居易賦命蹇薄與時參差願於靈山栖此陋質遺愛寺側既置草堂欲居其中參禪養素而開構池宇在神域中往來道途由神門外輒用酒脯告虔于神神其聽之歆此薄奠非敢徼福所期薦誠尚饗

祭廬山文

前人

維元和十二年歲次丁酉二月辛酉朔二十五日乙酉將

仕郎江州司馬白居易以香火酒脯敢告于廬山遺愛寺

四倚集作傍上下大小諸神居易夙聞匡廬天下神秀幸因

在官集作佐位得造茲山又聞遠宗雷同居于是道俗並處古

之遺風而遺愛西偏鄭氏舊隱三寺長老招于此居創新

室集作堂宇疏舊泉沼或來或往栖遲其間不惟耽翫水石

以樂野性亦欲擺去煩惱漸歸空門儻秩滿已來得以自

遂餘生終老願託于斯今茸構既成遊日集作息方始爰以

繫敬薦茲馨香不敢媚神不敢攘福但使疵癘不作集作

魑魅不逢猛獸毒蟲各安其所苟人居之靜謐則神道之

光噴齋心露誠庶幾有答尚饗

祭城隍文

張說

維大唐開元五年歲次丁巳四月庚午朔二十日巳丑荆

州大都督府長史上柱國燕國公張說謹以清酌之奠敢

昭告于城隍之神山澤以通氣為靈城隍以積陰為德致

和產物助天育人人之仰恩是關禮集作祀典說恭承朝命

綱紀南邦式崇薦禮以展勤敬庶降福四疇式登集作登我百

穀猛獸不搏毒蠱不噬精誠或通昭鑒非遠尚饗

祭桂州城隍神祝文

李商隱

維大中元年歲次丁卯八月甲午朔二十七日庚申桂州

管内都防禦觀察處置等使正議大夫使持節桂州諸軍

事守桂刺史兼御史中丞上柱國賜紫金魚袋鄭某謹遣
直官攝功曹參軍文林郎守陽朔縣令莊敬質謹以旨酒
庶羞之奠祭于城隍之神瀋洫崇墉所以固吾圉春祈秋
報所以輔農功金白露雷收蟲坏水涸念時暘而特雨將
乃積而乃倉敢以吉辰式陳常典神其保茲正直歆彼馨
香聿念前脩勿虧明鑒昔房豹變樂陵之井味任延易九
真之風土集作土風豈獨人謀仰由冥助今猶古也神實聽之
為安平公兖州祭城隍神文 前人

年月日致祭于城隍之神四民攸居是分都邑五兵未息
妻假金湯神受命上玄守職茲土撫長雲之壘提却月之
營張主威靈彈厭氛禳某方宣朝旨永總藩條帳中之位

既安幕內之籌敢失神其守同石堡護等王關長令某
岸焉無使復於隍也

為懷州李使君祭城隍神文 前人

某謬蒙朝獎叨領藩條熊軾初臨虎符適至敢資靈於水
土冀同固於金湯况彼潞人實逆天理固承明之地以作
巢窠毆庶樂之民以為蠱賊一至於此其能久乎惟神廣
扇威靈劃開聲勢俾犯境者望飛鳥集作鳥而自遁此滔天
者聽喚鶴以虎聲崇墉載嚴巨塹無壅今來古往永無川
竭之因萬歲千秋莫有土崩之事神其聽之無易我言

祭海文

陳子昂

萬歲通天二年月日清邊道軍海運度支大使肝本有虞

兼字 虞

部郎中王玄珪敢以牲酒沉浮海王之神神之聽之我國
家昭列象胥惠養戎貊百蠻率職萬方攸同鮮卑猖狂忘
道悖亂人棄不保王師用征故有度遼諸軍橫海諸集作
將天子命我羸糧景從今旌甲雲屯樓舡霧集且欲浮碣
石凌方壺襲朔裔即幽都而溟漲集作無倪雲濤洄瀟孤
山遠島鴻洞天波惟爾肅恭祀集作典導鷓首屏集作鯨
魚呵風伯遏天吳使蒼視不驚皇師允濟攘慝剽雲安人
定災蒼蒼群生非神孰賴無昏汨亂流而作神羞急急如
律令

崇城門文

張說

大唐開元五年荊州大都督府長史上柱國燕國公張

說謹遣議郎行錄事參軍皇甫嶧敢告于大府城門天行
三光地有五行陰陽順序庶物以生霖雨過旬晦昧不晴
奈何以陰賊陽以蒙蔽明恐害嘉穀無奉粢盛維爾崇墉
本人所營積陰攸處德在助成苟人是利亦神是減速収
雲雨以復天常報爾特集作豚薦爾馨香謹以清酌脯醢
式陳崇事尚饗

崇北城門文為濠州刺史作

白居易

年月日某官某敬以醴幣崇于集有城北門某聞四集作
鄙四門之神有水旱之災於是乎崇之今年春天作淫雨
將害于農墊于民惟神積陰之氣惟北太陰之位是用昭
告於城之北惟門有神裁之某以天子休命殿于是邦大

懼天京本厲之不時俾黎民阻饑敢以止辭告神神若之

何不聽敢以至誠感神神若之何不弔尚克陰沴不作時

暢咸若百穀用成庶民用寧實惟鄜之神門之靈於戲北

鄜北門之神明聽斯言罔俾兩昏墊以作某之憂神之羞

尚饗

崇土龍文

獨孤及

陽騎陰伏女魁作孽孟夏不兩至于是月后土將乾百穀

恐竭天道下濟龍德正中宜其甘雨亦祥其風日歲與時

俾和而豐胡屯其膏集作胡然屯膏物乃殄瘁民用艱食神將之

祀豈天不仁豈龍不智盍正直以是輔憫雲漢於下土詔

列缺使舉火命商羊以鼓舞喻兮為雲需集作霖兮為雨滂

我至土而毛之取我黍稷而膏之俾爾稼如茨俾爾穗如

坻實藏為盛為粢無貽龍羞俾神我欺尚饗

崇集作祭龍文

白居易

維長慶三年歲次癸卯八月癸未朔二日甲申朝議大夫

使持節杭州諸軍事守杭州刺史上柱國白居易率寮吏

薦香火拜告于北方黑龍惟龍其色玄其位坎其神壬癸

與水通靈昨者歷禱四方寂然無應今故虔誠潔意改命

於黑龍龍無水欲何依神無靈將恐歇澤能川本作無救物我

實有望於龍物不自神龍豈無求於我若三日之內一雨

霽電是龍之靈亦人之幸禮無不報神其聽之急急如律

令

崇集作浙江文

前人

維長慶四年歲次甲辰五月己酉朔四日壬子朝議大夫
持使節杭州諸軍事守杭州刺史上柱國白某謹以清酌
少牢之奠敢昭告于浙江之神滔滔大江南國之紀潤下

集安則為利幹集作流則為害故我上帝命神司之今屬

潮濤失常奔激西北水無知也如有憑焉浸淫郊鄙壞敗

廬舍人墜墊溺顛天無辜居易祗承集作壘書興利除害

守土守水職與神同是用備物致誠躬自虔禱庶俾水返

于集作壑谷遷為陵土不騫崩人無蕩析敢以醴幣羊豕

沉奠于江惟神裁之無忝祀典尚饗

馮牙文

陳子昂

萬歲通天二年王集作月朔日清邊道大總管建安郡

某敢以牲牢告軍牙之神蓋先王作兵以討有罪姦慝竊

命戎夷不蕪則必肆諸市朝大戮原野我皇周子育萬國

寵綏百蠻青雲下呂白環入貢又有年矣契丹凶羯敢亂

天常乃蜂聚九山豕食遼塞集作宴安鵠毒作為摠捨天

厭其凶國用致討皇帝命我肅將王誅今大軍已集吉辰

叶應旄頭首建羽旆前列夷貊咸集集作將士聽誓方俟

天休命為人殄災惟爾有神尚殲乃醜召太一會雷公翼

白虎乘青龍星流彗掃求清朔裔使兵不血刃戎夏大同

以昭我天子之德允乃肝本有神之功豈非正直克明哉

無縱世讐以作神羞急急如律令

祭蘇文

獨孤及

年月日都統江淮之南節度觀察處置等使戶部尚書李

峘謹以少平之奠敬神于六纛之神天地不仁神明無親

惟正集作德是與若嚮疑作響之答敢有象龔滔天構疊稱亂

國有明罰神其捨諸賊劉展假寵多難敢包狼心竊發蠱

毒將敷雪于我上下神祇使東溟楊波群動昏墊皇帝震

怒按劍授鉞集作俾勅亂器命我上將底天之伐於是虎牙鷹揚

之臣蚩矛犀渠之群橫行而東我伐用張月羽集作孤雲旗

以先啓行方將歷潯陽下南陵收京口掃建業斬梟獍以

豐鼓封鯨鯢為京觀俾萬里浪破三象霧廓今以令月吉

月整集作釐駕即路是用微福于爾有神惟神降衷尚弼余

志敢告無靡旗無絰駿無汰輶無償甲命五將護野萬靈

並轂今天地氛祲望風掃除魑魅魍魎罔不率俾莫我敢

遏為神祇羞

